

losæ doctrinæ sectator, asper aut remissus in pœnitentes, avarus — immundus — vinolentus, turpis lucri cupidus.

Sed esto. pius — innocens — sobrius — segregatus a peccatoribus.

MONITUM IV. Media sanctificationis. Timor, amor Dei — Custodia cordis, sensuum, Sancta occupatio memoriæ, intellectus, voluntatis — Frequentia orationis, meditationis, lectionis spiritualis — examinis conscientiæ, sacramentorum. Devotio erga Deum, s. Virginem, Sanctos — Cautela et moderatio in negotiis, conversationibus, solatiis.

Hoc fac et vives.

N. 466.

De jejunio quadragesimali nec non de labore Venerabilis Cleri ac populi fidelis sub tempore hocce sacrato.

Sancta Mater Ecclesia de salute fidelium quotidie peccantium sollicita, jam 2. per hebdomadem dies (feriam VI. et Sab.) jam IV. tempora; Vigilias quasdam, diesque Rogationum, jam tempus nunc ingruens 40. dierum tum pro mortificatione mentis et corporis; tum pro satisfactione, sive pœnitentia ob commissa peccata; tum pro vitiis extirpandis, augendisque virtutibus promerendisve præmiis assignat, et imprimis quoad sacratum tempus quadragesimale fidelibus cinerum impositione ad humilitatem, recordationem inopinatae mortis et idcirco ad seriam poenitentiam inauguratis, jam in Breviario, jam in Missali vocem extollit: *Ecce nunc tempus acceptabile, ecce nunc dies salutis! II Cor. VI. Advenerunt nobis dies poenitentiae, ad redimenda peccata, ad salvandas animas.* Ant. ad Tertiam fer. II. post Dom. Quadr. *Convertimi, ad me in toto corde vestro, in jejunio et fletu et planctu, et scindite corda vestra et non vestimenta vestra, ait Dominus omnipotens.* Joel II. Capitulum ad eandem Tert.

Ne vero quemquam lateat, in quo illa conversio consistat, Capitulum Sextæ clare exhibet: *Derelinquat impius viam suam et vir iniquus cogitationes suas et revertatur ad Dominum.* et Cap. Nonae. *Frangere esurienti panem tuum, et egenos, vagosque induc in domum tuam: cum videris nudum, operi eum, et carnem tuam ne despexeris.*

Hæc eadem Mater ad Clerum conversa, lacrimabunda flagitat: *Clama ne cesses, quasi tuba exalta vocem tuam et annuntia populo meo scelera eorum et domui Jacob peccata eorum.* Isai 58, et ab ipso intercessionem expectat his verbis: *Inter vestibulum et altare plorabunt sacerdotes ministri Domini et dicent: Parce Domine, parce populo tuo, et ne des haereditatem tuam in opprobrium.* Joel II.

Immo ne quis nostrum, saluberrimum jejunii scopum durante hocce tempore, obliviscatur, in praefatione quotidiana hæc verba nobis in memoriam revocat: *Qui corporali jejunio vitia comprimis, mentem clevas, virtutem largiris et praemia,* et pro ipsa feria